



## Publicaziuns dalla vischnaunca, jamna 21

### Damonda da baghegiar

**2015-1020.000**

**Datum dalla publicaziun: Ils 22 da matg 2015**

Il patrun: Fabian Fry, Via Buretsch 3A, 7186 Segnas

Il representant: Rosmarie Fry-Maissen, Via Buretsch 3A, 7186 Segnas

Object: Sanaziun digl access tiel mises, procedura posteriura, parcella 3024, Cavorgia Sura, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 18 da matg 2015

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandontas lubientschas da baghegiar:

**Nr. 2014 – 1053.000**

Victor ed Erika Candinas, Via Acletta 25, 7180 Disentis/Mustér; construcziun d'ina casa nova, parcella 3930, Via Cafeni, 7180 Disentis/Mustér.

**Nr. 2015 – 1014.000**

Alvezza SA in Liquidation, c/o Beer SA, Via Principala, 7172 Rabius; avertura dil quartier Alvezza, parcella 3923, Acletta, 7180 Disentis/Mustér.

Disentis/Mustér, ils 19 da matg 2015

*Uffeci da baghegiar Disentis/Mustér*

---

### Invit ad in'occurrentza d'informaziun

**Mesjamna, ils 27 da matg 2015, 19.30–ca. 21.00**

**Claustra Mustér: Sala Peter Kaiser**

*Tunnel Caschinutta–Tujetsch/Disentis/Mustér*

Preziadas convischinas e prezias convischins, prezias interessai.

Las vischnauncas Tujetsch, Disentis/Mustér e Medel (Lucmagn) han schau elavurar variantas per in tunnel denter Tujetsch/Disentis/Mustér e Göschenen/Wassen/Amsteg.

Per quellas variantas ein ussa ils cuosts, lur effects sin il traffic e l'economia ed ina groppa vale-taziun avon maun. Bugen envidein nus Vus da s'informar davart il stadi dallas lavurs e discutir cun nus ils resultats contonschi entochen ussa.

Suenter in'informaziun e discussiun da rodund in'ura el plenum exista la pusseivladad da profundar la discussiun tier in aperitiv.

Disentis/Mustér, ils 22 da matg 2015

*Suprastonzas communalas Tujetsch, Disentis/Mustér e Medel (Lucmagn)*



### **Administraziun communal**

**Gliendisdis Tschuncheismas, ils 25 da matg 2015** resta l'administraziun communal serrada igl entir di.

*Administraziun communal*

---

### **Controlla da habitonts**

#### **Naschientscha**

Amelia Joséphine Flury, naschida ils 4 da matg 2015, feglia da Leslie e Placi Flury-Züst.

---

### **Uniun da dunnas Mustér Radunonza extraordinaria**

*Mesjamna, ils 27 da matg 2015 allas 20.00 el hotel «La Furca» Mustér.*

Beinvegni

*Tractandas:*

1. Viadi dall'uniun da dunnas. Cons daners astgein duvrar?
2. Program definitiv dil viadi
3. Varia

Selegroind sin stedia participaziun salida cordialmein  
*Christina, Katrin e Fabiana*

---

### **Uniun da dunnas/mummas cun affons pigns Mustér Grillada a Fontanivas**

En cumpignia lein passentar in suentermiezdi a Fontanivas. Ei vegn barsau servelas e zambergi-au ina sorpresa. Tut ils geniturs cun lur affons ein cordialmein envidai a quella grillada.

Termin: **Mesjamna, ils 27 da matg 2015** naven dallas 14.00. Voss'annunzia pren Susanne Strupler bugen encunter entochen gliendisdis, ils 25 da matg 2015 per telefon 081 936 43 14.

Sin vossa viseta selegra  
*il team mummas cun affons pigns*

---

### **Societad da musica Mustér Concert primavaun**

**Sonda, ils 23 da matg 2015** allas 20.00 en halla Cons cun stiva da caffè  
**Dumengia, ils 24 da matg 2015** allas 17.00 en halla Cons.

Entrada libra. Collecta.



### Apparats d'udida

**Mardis, ils 26 da matg 2015** saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11. Signur Arthur Jacomet fa quei survetsch pertuts interessents gratuitamein.

Cordiala invitaziun  
*Puntreis, Center da sanadad*

---

### Wollsammlung in Disentis

**Samstag, 23. Mai 2015**, 9.00–11.00 Uhr, Parkplatz Bergbahnen Disentis.

---

### Possessurs da dretgs e pursanavels dallas alps Russein-Cavrein

#### Radunonza generala

**Mardis, ils 31 da matg 2015** allas 20.15 ell'ustria Rhätia a Mustér.

Cordialmein envida  
*la suprastonza*

---

### Club da ballapei Sedrun–Muster

Il club da ballapei Sedrun–Muster envida affons dallas annadas 2006–2010 dallas vischnaucas da Sedrun– Medel–Muster da separticipar als trenaments da ballapei mintgamai la gievgia dallas 18.00–19.00 sil plaz da ballapei a Sedrun.

Bugen dein a Vus dapli informaziuns:

**Tina Bundi** responsabla pils juniors dil CB Sedrun–Muster, tel. 081 947 52 81, e-mail: [tina@corsinbundi.ch](mailto:tina@corsinbundi.ch)

**Dario Manetsch** trenader dils juniors E

**Guido Friberg** trenader dils juniors F

Nus selegrein sin vossa preschientscha  
*Dario/Tina/Guido*

---

### Festival da chors d'affons e giuvenils svizzer –SKJF\_15 a Mustér

Ei para sco sche ils tuns e suns dils chors dil festival SKJF\_15 resunien aunc adina en nossas ureglias, ellas baselgias e las streglias da Mustér e contuorn. Ei era buc da surveser che la buna luna dallas cantaduras e dils cantadurs han tschaffau nus tuts e schau anavos nunemblideivlas regurdientschas vida quater dis plein cant e musica. Mo tgei fuss nies festival staus senza igl excellent engaschi da nos gidonters? Il grondius sustegn dallas vischnaucas e las pleivs? Il grond interess dalla populaziun? Las medias che han reportau da nies festival? Ils agids spontans e nuncomplicai?

Duront nies temps da preparaziun, sco era duront il festival, havein nus astgau sentir in grond sustegn dalla regiun. Aschia ei nies festival daventaus in success – en stil pign e dign, preparaus e sustegnius cun engaschi e bia cor. Per tut quei sustegn, en tutta moda e maniera, engraziein nus fermamein.

*El num digl entir comitée d'organisaziun  
Flavia Walder*



## Ludoteca Mustér

**17avla radunonza generala dall'uniun Ludoteca Mustér, gievgia, ils 4 da zercladur 2015 allas 18.30 en ludoteca**

Beinvegni

*Tractandas:*

1. Elecziun d'ina dumbravuschs
2. Protocol dalla 16 avla rg dils 26 da zercladur 2014
3. Rapport dalla presidenta
4. a) rapport dalla cassiera  
b) rapport dallas revisuras
5. Elecziun d'ina nova cassiera  
Elecziun da 2 novAs revisurAs
6. midada da num
7. Program da lavur
8. Informaziuns
9. Varia

---

## Stan da sittar Sars Sut

### Societad da tir Desertina 100 m

Pusseivladat da sittar en la buis da catsch'aulta e bassa (cun attest).  
Mintga mesjamna tochen la fin uost (26-8-2015) naven dallas 19.00.

*La societad da tir Desertina*

---

## Uniun da catschadurs Péz Alpetta Salvament d'anseuls

Preziai purs. Ussa ei il temps che las cauras cavriel fan ansiel. Stedi setegnan ellas si cun lur anseuls en praus che vegnan segai. Aschia vegnan mintga onn anseuls per la veta entras maschinass da segar. Cun pign engaschi san ins evitar quei. Purs che fan fein en loghens nua che cavreuls setegnan si, ein supplicai da s'annunziar tier nus in di avon che segar. Aschia savein montar mintgamai ina bandiera el prau pertuccond. Entras il disturbi da quellas prendan las cauras ils anseuls ord il phigel. Annunzias saveis far tier il cau da tgira sut la numera 079 304 33 61

Bien engraziament per Vossa collaboraziun  
*Uniun da catschadurs Péz Alpetta: Il cau da tgira*